

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA VELIKA KLADUŠA
Služba za finansije, računovodstvo i javne nabavke

ZAPISNIK
O ODRŽANOJ JAVNOJ RASPRAVI
O NACRTU BUDŽETA OPĆINE VELIKA KLADUŠA
ZA 2022. GODINU

Velika Kladuša, februar 2022. godine

JAVNA RASPRAVA
O NACRTU BUDŽETA OPĆINE VELIKA KLADUŠA ZA 2022. GODINU

Općinsko vijeće općine Velika Kladuša je na svojoj VII redovnoj sjednici, održanoj dana 12.01.2022. godine usvojilo Nacrt budžeta općine Velika Kladuša za 2022. godinu, te Zaključak o prihvatanju i upućivanju u javnu raspravu Nacrta Budžeta općine Velika Kladuša za 2022. godinu.

U skladu sa Zaključkom Općinskog vijeća, Nacrt budžeta općine Velika Kladuša za 2022. godinu objavljen je na službenoj web stranici Općine Velika Kladuša (www.velikakladusa.gov.ba), te je ostavljena mogućnost da posjetioci web stranice mogu dostaviti svoja mišljenja, sugestije i prijedloge direktno nadležnoj službi putem kontakt forme.

Pismeni prijedlozi, sugestije, mišljenja i primjedbe na nacrt budžeta slate su na adresu Službe za finansije, računovodstvo i javne nabavke u periodu od 14.01.2022. godine do 31. januara 2022. godine.

Budući da je Općinsko vijeće svojim Zaključkom definiralo da se, zbog epidemiološke situacije, javna rasprava o Nacrtu budžeta održi uz isključivo dostavljanje pisanih prijedloga, nije bilo organiziranja rasprava u prostorijama zgrade organa niti drugih institucija.

Na adresu Službe za finansije i računovodstvo bilo putem protokola, emaila ili lično došli su slijedeći pisani prijedlozi:

1. Mjesna zajednica Vidovska

- Inicijativa građana Johovica za rasvjetu na postojećim betonskim stubovima od trafoa kod lipe prema školi sa oćjepom desno prema Čovićima i Jašarima prema Šturliću;
- Asvaltiranje puta D.Vidovska – Begluk u dužini od 300 m, širine 4 m (urađeno već 600m);
- Izgradnja puta: Jašići – Hukavice u dužini od 409m, širine 4m (urađeno 660m u 2021. godini)
- Izgradnja puta: Gornja Vidovska – džamija - Kendići – Čauši – Babići- Bajrektari – Johovica u dužini od 3300m, širine 4m (projekat urađen);
- Inicijativa građana Johovica za rasvjetu na postojeće stubove Jašići – Hukavice i Jašići – kriva bukva, za 98 stubova (projekat urađen);
- Krpanje asfaltnih puteva na dionici D. Vidovska škola do škole u G.Vidovskoj sa oćjepom Jašići – Kriva bukva, cca 200m
- Saniranje klizišta na dijelu puta D. Vidovska – Kriva bukva
- Nasipanje i održavanje svih putnih pravaca na području MZ kroz ljetno i zimsko održavanje.

2. Građani ul. Dubrave, Velika Kladuša:

- Rekonstrukcija i asfaltiranje ulice Dubrave i dijela Slunjske ulice. Procijenjena vrijednost projekta 90.000,00 KM. (Postoji protokol iz 2011. godine kojim se Općina obavezala obezbjediti sredstva za izradu gornjeg sloja asvalta na pripremljenu podlogu, dok su građani izvršili svoj dio obaveze oko pripremanja podloge).

3. Udruženje poduzetnika Velika Kladuša:

- Ne vršiti povećanje prihodovne strane Budžeta dodatnim opterećenjem privrednika i obrtnika;
- Ravnopravan tretman javnog i privatnog sektora;
- Povećati ekonomski kod 614525 – subvencije obrtnicima i poduzetnicima sa planiranih 300.000 KM na 600.000 KM;
- Formirati ili iznaći kod za sufinansiranje Startup inkubatora u iznosu od 100.000 KM.

4. Općinsko pravobranilaštvo Velika Kladuša

- Također ističe i povećanja koja su planirana kroz novu odluku o komunalnim taksama a što će pasti na teret kladuških privrednika;
- Nezadovoljan je planiranjem subvencije javnom preduzeću Komunalije, te 400.000 KM za naknade ekspertnom timu za reviziju privatizacije;
- Ističe da je pozitivna stvar planiranje 250.000 KM za nabavku vatrogasnog vozila te se nada da će se ta sredstva zaista i uložiti za tu namjenu.

9. Mjesna zajednica Vrnograč

- Završetak započetih projekata modernizacije i asvaltiranja puta Dukići – Mačeša u dužini od 500m (dokumentacija postoji kao i dio sredstava na računu budžeta općine) i put Elezovića škola – Sinokos u dužini od 500m.
- Asvaltiranje i modernizacija putnih pravaca: Poljice – Brdo Tralješića u dužini od 700m, Greblje – Dizdarevića brdo u dužini od 205m, Karlovačka ulica u dužini od 270m i put Greblje – Grabovac;
- Čišćenje i uređivanje korita riječice Vrnograšnice i rijeke Glinice u blizini deponije Radića most;
- Čišćenje Starog grada Vrnograč (u smislu pomoći da se dobije odobrenje od viših nivoa vlasti s obzirom da se radi o zaštićenom kulturnom dobru);
- Saniranje udarnih rupa na nekategorisanim putevima;
- Nasipni materijal za putne pravce koji nisu asvaltirani;
- Iznaci rješenje za vanliniski prijevoz učenika iz Grabovca i Šestanovca u skladu sa Odlukom o subvenciji troškova prijevoza učenika;
- Sanacija odrona na putu Vrnograč – Brda;
- Završetak regulacije saobraćaja u samom mjestu Vrnograč koji je započet 2017. godine;
- Priključak na javnu rasvjetu okolnih sela;
- Nastaviti sa subvencioniranjem sportskih kolektiva na našem području (NK Mladost), kao i ostala udruženja koja djeluju na području MZ-e.

10. JU Centar za socijalni rad Velika Kladuša

- Preraspodjela u okviru planiranih sredstava za javnu ustanovu: povećati naknadu za topli obrok za 2.500 KM; dodati novi ekonomski kod za domenu u iznosu od 50 KM a istovremeno umanjiti taj iznos kod usluga popravka i održavanja;
- Ukinuti ekonomski kod za porodični smještaj budući da se to pravo ukida, a planirati novi kod roditelji/hranitelji u iznosu od 100.000 KM na osnovu Zakona o roditeljima njegovateljima u F BiH.

11. Udruženje paraplegičara i oboljelih od dječije paralize Velika Kladuša

- Prijedlog za finansiranje organizacija osoba sa invaliditetom na način da se planira grant u budžetu za 2022. godinu u iznosu od 50.000 KM. Za navedeni iznos umanjiti sredstva na ekonomskom kodu 614324-001 – tekući transferi udruženjima građana. U obrazloženju prijedloga stoji da je finansiranje organizacija osoba sa invaliditetom obaveza institucija vlasti ovisno od toga na kojem je nivou usmjereno djelovanje organizacije osoba sa invaliditetom. Dosadašnji način finansiranja kroz projekte nije adekvatan jer se finansira samo jedna projektna aktivnost što je nedovoljno za normalan rad O OSI (Organizacija osoba sa invaliditetom). Sa prijedlogom uvrštavanja granta za finansiranje organizacija osoba sa invaliditetom tokom cijele godine bi se moglo vršiti finansiranje programskih aktivnosti i tekućih troškova koje svaka organizacija ima.

12. Ponjević Rifet

- Predlaže da se u budžetu općine Velika Kladuša za 2022. godinu planiraju sredstva za rekonstrukciju i asfaltiranje puta Ponjevići – Čaglica, 380 m, a širine kolovoza 4 metra. Procijenjena vrijednost koja se očekuje od općine iznosi: 40.000,00 KM.

- Povećati ekonomski kod 614817 – Izvršenje sudskih presuda i rješenja o izvršenju sa sadašnjih 100.000 KM na 500.000 KM, a sredstva nadomjestiti ukidanjem ekonomskog koda 614819-005 – Ostali tekući rashodi, naknade za rad ekspertnog tima za reviziju privatizacije.

5. Mjesna zajednica Mala Kladuša

- Asvaltiranje i modernizacija puta Palići – Jankovac, dužina 1030m (dokumentacija kompletna, sredstva na računu cca 70.000 KM);
- Asvaltiranje i modernizacija puta „Murgiči“ (dokumentacija u izradi, u toku prikupljanje novčanih sredstava);
- Vodopsnadbjevanje naselja Čufuri (cca 60 domaćinstava nisu uvezani u javni sistem vodopsnadbjevanja);
- Čišćenje korita potoka Vidošnica od pilane Bašić - BP Sestre;
- Sanacija sanitarnih čvorova u objektu tzv. Dom MZ Mala Kladuša (procijenjena vrijednost od 12.000 do 15.000 KM);
- Uređenje arhiva MZ (procijenjena vrijednost od 1.000 do 1.500 KM);
- Nabavka kancelarijskog inventara (stolovi, stolice, vitrina i sl). Procijenjena vrijednost sredstava iznosi 3.000 KM);
- Izvršiti ugradnju drenažnih cijevi i odvodnju oborinskih voda duž cijele gornje strane objekta MZ i ambulante te uređenje zemljišta iznad objekta;
- Nastavak projekata javne rasvjete u MZ Mala Kladuša (nadogradnja JR za naselje Dolovi, nadogradnja JR prema Latićima, nadogradnja JR Barake – Mala Kladuša – Marjanovac, izgradnja JR Palići – Šanac – Kekići, izgradnja JR Čejvanski most – BP Sestre – Barake – Bašići);
- Obezbjediti nasipni materijal (pijesak) za ljetno održavanje nekategorisanih makadamskih puteva te isti staviti na raspolaganje MZ;
- Obezbjediti određena sredstva ili neku od firmi koja raspolaže radnim mašinama (skip, greder i sl.) te staviti na raspolaganje MZ;
- Predložimo otvaranje koda za socijalne slučajeve.

6. JP RADIO TELEVIZIJA VELIKA KLADUŠA:

- Ekonomski kod 614411-003 za JP RTV Velika Kladuša povećati sa 70.000,00 KM na minimalno 110.000,00 KM. Razliku umanjiti na sljedećim kodovima:
 - 611226 - darovi uposlenicima povodom vjerskih i državnih praznika
 - 613100 - dnevnice i putni troškovi
 - 613314 - izdaci za poštanske usluge
 - 613911 – usluge medija
 - 613920 – izdaci za stručno obrazovanje – seminari
 - 613973 – izdaci za volonterski rad po osnovu ugovra o volonterskom radu
 - 613974 - izdaci za rad komisija
 - 613976 - ostali izdaci za druge samostalne djelatnosti i povremenog samostalnog rada
 - 613991-001 – ostale nepomenute usluge i dadžbine
 - 614324-001 - tekući transfer udruženjima građana.

7. Udruženje poljoprivrednika „Poljoprivrednik“ Velika Kladuša

- Povećati planirana sredstva za poljoprivredu sa 400.000 KM na 1.110.000 KM što bi bilo 6% ukupnog budžeta za 2022. godinu;
- Planirati sredstva za fond poljoprivrednika u visini od 30.000 KM i 10.000 KM za projekat revizije članstva.

8. Enver Melkić, Amelšeh doo Velika Kladuša

- Ukazuje na povećanje prihoda od komunalnih naknada za 250.000 KM i izražava bojazan da se isto planira prikupiti od privrednika općine Velika Kladuša;

13. NAŠA STRANKA

- Ekonomski kod 614311-007 Grant za Sportski savez povećati sa 80.000 KM na 200.000 KM. Sredstva osigurati umanjnjem ekonomskog koda 614819-005 - Ostali tekući rashodi, naknade za rad ekspertnog tima za reviziju privatizacije za 120.000 KM;
- Ekonomski kod 614311-006 Grant školama sa područja općine Velika Kladuša povećati sa 0 KM na 80.000 KM. Sredstva osigurati umanjnjem ekonomskog koda 614819-005 - Ostali tekući rashodi, naknade za rad ekspertnog tima za reviziju privatizacije za 80.000 KM;
- Uvesti novi ekonomski kod pod nazivom „Grant za JU Dječije obdanište Velika Kladuša“ u iznosu od 80.000 KM. Sredstva osigurati umanjnjem ekonomskog koda 614819-005 - Ostali tekući rashodi, naknade za rad ekspertnog tima za reviziju privatizacije za 80.000 KM;
- Povećati iznos sredstava na ekonomskom kodu 821600 – rekonstrukcija i investiciono održavanje na način da se uz ekonomski kod 821612 uvede dodatni ekonomski kod 821612-001 – Rekonstrukcija ulice 23. februar i pristupnog puta prema gradskom groblju i mezarju Drmaljevo“ u iznosu od 80.000 KM. Sredstva osigurati umanjnjem ekonomskog koda 614411-004 – Subvencije javnih preduzeća i zavisnih društava za 80.000 KM;
- Ekonomski kod 614817 izvršenje sudskih presuda i rješenja o izvršenju povećati sa 100.000 KM na 400.000 KM. Sredstva osigurati umanjnjem ekonomskog koda 614411-004 Subvencije javnih preduzeća i zavisnih društava za 300.000 KM.
- Ekonomski kod 614400- Subvencije javnim preduzećima, ekonomski kod 614411-001 JP „Veterinarska stanica“doo V.Kladuša (sufinansiranje projekata kastracije pasa lotalica) povećati sa 50.000 KM na 100.000 KM. Sredstva osigurati umanjnjem ekonomskog koda 614411-004 za 50.000 KM.
- Ekonomski kod 614500 Subvencije privatnim preduzećima i poduzetnicima, ekonomski kod 615516 Subvencija za veterinarstvo, privatna veterinarska stanica povećati sa 20.000 KM na 70.000 KM za sufinansiranje projekta registracije, čipiranje, kastracije i sterilizacije pasa. Sredstva osigurati umanjnjem ekonomskog koda 614411-004 za 50.000 KM;
- Ekonomski kod 614311-002 Grant za sufinansiranje projekata mladih preimenovati u „Grant za sufinansiranje Startup inkubatora“ te povećati planirana sredstva sa 25.000 KM na 125.000 KM. Potrebna sredstva preusmjeriti sa ekonomskog koda 614323- Tekući transeri za parlamentarne pol.partije-klubovi vijećnika.
- Sredstva na ekonomskom kodu 614311-001 – Grant za razvoj poljoprivrede povećati sa 400.000 KM na 600.000 KM. Sredstva osigurati umanjnjem ekonomskog koda 614411-004 za 200.000 KM.

14. Mjesna zajednica Čaglica

- Asvaltiranje lokalnog puta Čaglica – Golubovići u dužini od 3000m. Procijenjena vrijednost radova iznosi 200.000 KM. MZ posjeduje projektnu dokumentaciju za predmetni put koji povezuje MZ Čaglicu i MZ Todorovo i isti koristi velikki broj građana.
- Proširenje vodovodne mreže u MZ Čaglica na način da se izvrši proširenje glavnog vodovoda Kvrkulja od MZ Todorovo do MZ Čaglica u dužini od 2 km čime bi se riješilo kompletno vodosnadbjevanje na MZ. Potrebna sredstva za realizaciju projekta iznose 100.000 KM.

15. Sportski savez općine Velika Kladuša

- Predlažu da se grant za Sportski savez vrati na razinu iznosa od prošle godine, tj. 180.000 KM, s tim što je 100.000 KM dijeljeno na sve sportske kolektive, a 80.000 KM je raspoređeno na tri najstarija sportska kluba (NK Krajišnik, NK Mladost i KK Krajišnik). U obrazloženju prijedloga stoji da je sport uprkos svim problemima u proteklim godinama bio jedna od najsvjetlijih tačaka našeg grada. Da u periodu teške ekonomske situacije uzrokovane nizom neželjenih okolnosti veoma je teško pronaći sponzore, donatore ili ostvariti prihod po drugim osnovama, te da sport na našoj Općini ne može preživjeti ovakve oscilacije bez pomoći budžeta Općine. Tri najstarija sportska kolektiva uskraćivanjem finansijske pomoći barem na razini sredstava isplaćenih u protekloj godini ne bi mogli

preživjeti u sportskom smislu dok se i mnogi manji klubovi koji su nosioci sporta u Velikoj Kladuši ne bi našli u puno zavidnijoj situaciji te bi faktički bili pred gašenjem.

16. Mjesna zajednica Todorovo

- Asvaltiranje lokalnog puta Čaglica – Golubovići u dužini od 3000m. Procijenjena vrijednost radova iznosi 200.000 KM. MZ posjeduje projektnu dokumentaciju za predmetni put koji povezuje MZ Čaglicu i MZ Todorovo i isti koristi veliki broj građana.

17. Bešić Sanel

- Predlaže da se u Budžetu za 2022. godinu predvide sredstva za izgradnju pješačkog mosta preko Grabarske na dionici između firme Kolmix doo i osnovne škole 25. novembar. U obrazloženju navodi da je nekada davno takav most i postojao na istom mjestu. Napominje da je u razgovoru s građanima primijetio lijep odziv na ideju. Prema njegovom mišljenju cijena bi bila nekoliko hiljada maraka jer se radi o klasičnom pješačkom mostu eventualne širine 1 metar i raspona do 12 metara. Izvedba može biti čelična ili betonska odnosno kombinacija iz pomenuta dva materijala. S obzirom da su i sa jedne i druge strane parcele koje su u vlasništvu općine, smatra da bi se projekat lako mogao završiti. Podnosilac prijedloga je voljan volontirati na bilo koji način u slučaju realizacije ovog projekta.

18. KUD Biser Velika Kladuša

- Predlaže da se u Budžet za 2022. godinu uvrsti KUD Biser sa 30.000 KM. U prilogu dostavlja Informaciju o aktivnostima i uspjesima KUD-a Biser sa fotografijama. Mišljenja su da nakon 15 godina marljivog rada na polju kulture čiji su rezultati vidljivi i da je društvo višestruki svjetski i evropski prvak u tradicionalnom (autentičnom) plesu, zaslužuju mjesto u budžetu Općine. Već 12 godina društvo je domaćin međunarodnog festivala.

19. E.S.VET Velika Kladuša

- Predlažu da se promijeni dosadašnja politika u pogledu pasa lotalica i sufinansiranja veterinarskih stanica jer nije dovoljno sufinansirati kastraciju pasa samo javnoj veterinarskoj stanici s obzirom da na taj način samo dio pasa bude kastrirano da bi se spriječilo njihovo razmnožavanje. Zajedničkim nastupom, tj. ukoliko bi se sa određenim iznosom pomogla i privatna veterinarska stanica problem pasa lotalica bi se brže, lakše i efikasnije mogao riješiti. Kad su u pitanju i drugi vidovi podrške javnoj veterinarskoj stanici također postoji diskriminacija. Najispavnije bi bilo, što se ovom prilikom i predlaže, da se isto kao i za javnu veterinarsku stanicu planiraju i isplate sredstva privatnoj stanici na način da se:
 1. 25.000 KM dodijeli za provođenje monitorina goveda (dijagnostičko isptivanje goveda).
 2. 50.000 KM za provođenje sterilizacije pasa lotalica, vakcinacije, cijepljenje;
 3. 10.000 KM za sufinansiranje vještačkog osjemenjavanja goveda;
 4. 5.000 KM za vršenje dehelmentizacije goveda na području djelovanja koje je dodijeljeno veterinarskoj stanici od nadležnog ministarstva.

20. Udruženje Konjički Klub „Krajišnik, udruženje nogometni klub „Krajišnik“ i udruženje nogometni klub „Mladost“ Vrnograč

- Zajednički prijedlog tri najstarija sportska kolektiva kojim se traži povećanje granta za Sportski savez općine Velika Kladuša sa planiranih 80.000 KM na 250.000 KM. U obrazloženju svog prijedloga ističu da je prošle godine grant za Sportski savez iznosio 180.000 KM gdje je 100.000 KM raspoređeno na sve članice dok je preostalih 80.000 KM raspoređeno na tri najveća kluba i to NK Krajišnik iznos od 45.000 KM, KK Krajišnik iznos od 20.000 KM i NK Mladost iznos od 15.000 KM, te da su takvim načinom raspodjele bili zadovoljni svi klubovi. Shodno tome upućuju i ovaj prijedlog da se grant za Sportski savez planira na iznos od 250.000 KM gdje bi 130.000 KM bilo raspoređeno na sve članice Sportskog saveza, a da se 120.000 KM raspodjeli na pomenuta tri kluba.

21. Vijeće mladih Općine Velika Kladuša

- Prijedlog za sufinansiranje troškova zakupa prostorija za potrebe Vijeća mladih općine Velika Kladuša u ukupnom iznosu od 4.800 KM, te režijskih troškova (trošak vode) u iznosu od 136,48 KM za period januar 2020. godine do decembar 2021. godine. Sufinansiranje troškova zakupa se traži po osnovu primjene Zakona o mladima F BiH te Sporazuma o saradnji potpisanog između Općine Velika Kladuša i Vijeća mladih Općine Velika Kladuša.

22. Mjesna zajednica Zborište

- Sufinansiranje izgradnje vodovoda Stabandža, procjena sredstava 115.000 KM. Od kantona je obezbjeđeno 60.000 KM i 26.000 KM je općina prebacila JKP „ViK“ tokom 2021. godine za izgradnju vodovoda Stabandža.
- Sredstva od 60.000 KM koja su dobijena od Kantona tokom 2021. godine da se puste u realizaciju za koja su i dobijena (put Abdići – Zborište i Stabandža – Melkići) uz učešće općine u iznosu od 40.000 KM.
- Projekat izgradnje puta škola Zborište – Grljevac gdje se traži od općine 30.000 KM, mještani imaju 35.000 KM prikupljenih sredstava kako bi se projekat završio.
- Objekat MZ Zborište na lokaciji Stabandža – rekonstrukcija istog za potrebe mjesne zajednice;
- Izgradnja sanitarnog čvora u mjesnom uredu Zborište za potrebe mjesnog ureda i mjesne zajednice.
- Naknadu za rad predsjednika savjeta mjesnih zajednica povećati na iznos od 400 KM mjesečno.

23. ZU Dom zdravlja Velika Kladuša

- Za potrebe Doma zdravlja Velika Kladuša planirati sredstva za nabavku sanitetskog vozila obzirom da je vozni park Doma zdravlja u jako lošem stanju zbog dotrajalosti.

Javna rasprava o Nacrtu budžeta općine Velika Kladuša za 2022. godinu završena je sa 31.01.2022. godine nakon prijema 23. pisana prijedloga. Predmetni zapisnik će, sa kopijama pisanih prijedloga, biti dostavljen Općinskom načelniku i Općinskom vijeću.

U Velikoj Kladuši, 02.02.2022. godine

Služba za finansije, računovodstvo
i javne nabavke

